

草木典第一百八十二卷

雜花草部彙考二

夏旦葯圃同春 正月花

麥李色粉紅花亦森秀微香

二月花

御李有紅白二色喜腴無香

三月花

碎米雪俗名米篩花性喜腴無香

粉團粉紅色有香

薔薇有紅黃白三色性喜腴開於春

月最可扳籬當植於徑

四月花

牆毬性宜清肥藤枝好濕微香

鶴頂紅一年一發喜腴微香

白玉帶有香

子興黃白

二色有香

黃蝴蝶葉秀喜腴稍香

黃蜂花花開如蜂無香

五月花

水枝色白稍香宜濕

曇花花紅子堪串珠微香

天竹有花能結子微香

金雀花色黃

嵩向陽微香

金鐘花色黃一名三及第花開有三因以呼之有香

斜堤花色白有香畏霜

喜腴

六月花

祁花色黃無香

陳繼儒珍珠船 采華草

太極山有采華草服之通萬里言

本草綱目 羊不吃草

陳藏器曰生蜀川山谷葉細長在諸草中羊不吃者是也味苦辛溫無毒主一切風血補益攻諸病煮之亦浸酒服 李時珍曰此草似羊躑躅而云無毒蓋別有此也

麻伯 有名
未用

別錄曰味酸無毒主益氣出汗一名居莒一名衍草一名道止一名自死生平陵如蘭葉黑厚白裏莖實赤黑九月采根

相鳥

別錄曰味苦主陰痿一名烏葵如蘭香赤莖生山陽五月十五日采陰乾

天雄草

別錄曰味甘溫無毒主益氣陰痿生山澤中狀如蘭實如大豆赤色

益妳草

陳藏器曰味苦平無毒主五痔脫肛止血炙令香浸酒服生永嘉山谷葉如澤蘭莖赤高二三尺也

胡面莽

陳藏器曰味甘溫無毒主去痼癖及冷氣止腹痛煮服生嶺南如地黃

木細辛

陳藏器曰味苦溫有毒主腹內結聚癥瘕大便秘不利推陳去惡破冷氣未可輕服令人利下至困生

終南山冬月不凋苗如大戟根似細辛

含生草

陳藏器曰生韃靼國葉如卷柏而大性平無毒主婦人難產含之噦汁卽生

必似勒

陳藏器曰辛溫無毒主冷氣脅閉不消心腹脹滿生崑崙狀似馬蘭子

牛舌實

別錄曰味鹹溫無毒主輕身益氣生水 中澤旁大葉長尺五月采實一名豕首 陳藏器曰今東

土人呼田水中大葉如牛耳者爲牛耳菜 李時珍曰今人呼羊蹄爲牛舌菜恐羊蹄是根此其

實否則是羊蹄之生水 中者也

麝舌

別錄曰味辛微溫無毒主霍亂腹痛吐逆心煩生水 中五月采之 陶弘景曰生小小水中今人

五月采乾以治霍亂甚賈

天壽根

蘇頌曰出合州每歲土貢其性涼治胃膈煩熱土人常用有效

山慈石

有名
未用

別錄曰苦平無毒主女子帶下生山之陽正月生葉如藜蘆莖有衣一名爰茈

參果根

別錄曰苦有毒主鼠瘻生百餘根根有衣裏莖三月三日采根一名百連一名烏蓼一名鼠莖一名

鹿蒲

馬腸根

蘇頌曰苦辛寒有毒主蠱除風葉療瘡疥生秦州葉似桑三月采葉五月六月采根

井口邊草

陳藏器曰小兒夜啼私著席下勿令母知 孫思邈曰五月五日取井中倒生草燒研水服勿令

知卽惡酒不飲或飲亦不醉也

樹孔中草

李時珍曰主小兒腹痛夜啼暗著戶上卽止出聖惠方

產死婦人塚上草

陳藏器曰小兒醋瘡取之勿回顧作湯浴之不過三度瘡

燕蓐草

陳藏器曰卽燕窠中草也無毒主眠中遺尿燒黑研末水進方寸匕亦止噦哕 李時珍曰千金

方治丈夫婦人無故尿血用胡燕窠中草燒末酒服半錢匕聖惠方消渴飲水燕窠中草燒灰一兩
牡蠣煨二兩白羊肺一具切曬研末每新汲水三錢又一切瘡痕不滅用燕蓐草燒灰鷹屎白等分
人乳和塗日三五次又浸淫瘡出黃水燒灰傅之

雞窠草

大明曰小兒夜啼安席下勿令母知 陳藏器曰小兒白禿瘡和白頭翁花燒灰臘月豬脂和傅

之以醋泔洗淨 李時珍曰千金方治產後遺尿燒末酒服一錢又不自祕方治天絲入目燒灰

淋汁洗之

猪窠草

大明曰小兒夜啼密安席下勿令母知

牛齡音草

李時珍曰一名牛轉草卽牛食而復出者俗曰回嚙

主治

陳藏器曰絞汁服止噦

李時珍曰療反胃霍亂口噤風

發明

李時珍曰牛齡治反胃噎膈雖取象回嚙之義而沾濡口涎爲多故主療與涎之功同

附方

反胃噎膈大力奪命丸牛轉草杵頭糠各半斤糯米一升爲末取黃母牛涎和丸龍眼大煮熟食之

入砂糖二兩尤妙

醫學正

霍亂吐痢不止用烏牛齡草一團人參生薑各三兩甜漿水一升半

煮汁五合服

劉涓子
鬼遺方

小兒流涎用牛草噉汁少少與服

普濟方

初生口噤十日內者用牛口

齡草絞汁灌之

聖惠方

屈草

本經曰味苦寒無毒主胷脅下痛邪氣腸間寒熱陰痺久服輕身益氣耐老

別錄曰生漢中川

澤五月采

別羈

本經曰味苦微溫無毒主風寒濕痺身重四肢疼酸寒歷節痛

別錄曰一名別枝生藍田川谷

二月八月采

陶私景曰方家時有用處今亦絕矣

離樓草

別錄曰味鹹平無毒主益氣力多子輕身長年生常山七月八月采實

神護草

別錄曰生常山北八月采可使獨守吐咄人寇盜不敢入門

李時珍曰物類志謂之護門草一

名靈草彼人以置門上人衣過草必叱之王筠詩云霜被守宮槐風驚護門草卽此也而不著其形狀惜哉

黃護草

別錄曰無毒主痹益氣令人嗜食生隴西

雀醫草

別錄曰味苦無毒主輕身益氣洗爛瘡療風水一名白氣春生秋花白冬實黑

木甘草

別錄曰主療癰腫盛熱煮洗之生木閒三月生大葉如蛇狀四四相值但折枝種之便生五月花白實核赤三月三日采之

益決草

別錄曰味辛溫無毒主欬肺傷生山陰根如細辛

九熟草

別錄曰味甘溫無毒主出汗止洩療悶一名烏聚生人家庭中葉如聚一歲九熟七月采

兌草

別錄曰味酸平無毒主輕身益氣長年冬生蔓草木上葉黃有毛

異草

別錄曰味甘無毒主癢痹寒熱去黑子生籬木上葉如葵莖旁有角汁白

灌草

別錄曰一名鼠肝葉滑清白主癰腫

葩音起草

別錄曰味辛無毒主傷金瘡

莘草

別錄曰味甘無毒主盛傷脾腫生山澤如蒲黃葉如芥

英草華

別錄曰味辛平無毒主痹氣強陰療女勞疸解煩堅筋骨療風頭可作沐藥生蔓木上一名鹿英九月采陰乾

封華

別錄曰味甘有毒主疥瘡養肌去惡肉夏至日采

懊華

別錄曰味甘無毒主上氣解煩堅筋骨

節華

別錄曰味苦無毒主傷中癢痹_音噎_音腫皮主脾中客熱氣一名山節達節一名通漆十月采暴乾

讓實

別錄曰味酸主喉痹止洩痢十月采陰乾

羊實

別錄曰味苦寒主頭禿惡瘡疥癬_{音騷}癰_音癰_音癰_音生蜀郡

_{去聲}嘉癰_音癰_音

桑葢實

別錄曰味酸溫無毒主乳孕餘病輕身益氣一名草王葉如荏方葢大葉生園中十月采

可聚實

別錄曰味甘溫無毒主輕身益氣明目一名長壽生山野道中穗如麥葉如艾五月采

滿陰實

別錄曰味酸平無毒主益氣除熱止渴利小便長年生深山及園中葢如芥葉小實如櫻桃七月成

吳普曰蔓如瓜

馬顛

別錄曰味甘有毒療浮腫不可多食

馬逢

別錄曰味辛無毒主癰蟲

兔棗

別錄曰味酸無毒主輕身益氣生丹陽陵地高尺許實如棗

鹿耳

別錄曰味鹹臭主小兒驚癇賁豚癰瘰大人瘞五月采

雞涅

別錄曰味甘平無毒主明目中寒風諸不足水腫邪氣補中止洩痢療女子白沃一名陰洛生雞山

采無時

犀洛

別錄曰味甘無毒主癰疾一名星洛一名泥洛

雀梅

別錄曰味酸寒有毒主蝕惡瘡一名于雀生海水石谷間

陶弘景曰葉與實俱如麥李

燕齒

別錄曰主小兒癰寒熱五月五日采

土齒

別錄曰味甘平無毒主輕身益氣長年生山陵地中狀如馬牙

金莖

別錄曰味平苦無毒主金瘡內漏一名葉金草生澤中高處

白背

別錄曰味苦平無毒主寒熱洗惡瘡疥生山陵根似紫葳葉如燕盧采無時

青雌

別錄曰味苦主惡瘡禿敗瘡火氣殺三蟲一名蟲損一名孟推生方山山谷

白辛

別錄曰味辛有毒主寒熱一名脫尾一名羊草生楚山三月采根白而香

赤舉

別錄曰味甘無毒主腹痛一名羊飴一名陵渴生山陰二月花銳蔓草上五月實黑中有核三月三

日采葉陰乾

赤涅

別錄曰味甘無毒主疰

音註

崩中止血益生蜀郡山石陰地濕處采無時

赤赫

別錄曰味苦寒有毒主痈瘍惡敗瘡除三蟲邪氣生益州川谷二月八月采

黃秫

別錄曰味苦無毒主心煩止汗出生如桐根

黃辯

別錄曰味甘平無毒主心腹痼瘕口瘡臍傷一名經辯

紫給

別錄曰味鹹主毒風頭洩注一名野葵生高陵下地三月三日采根根如烏頭

紫藍

別錄曰味鹹無毒主食肉得毒能消除之

糞藍

別錄曰味苦主身痒瘡白禿漆瘡洗之生房陵

巴朱

別錄曰味甘無毒主寒止血帶下生雒陽

柴紫

別錄曰味苦主小腹痛利小腹破積聚長肌肉久服輕身長年生寃句二月七月采

文石

別錄曰味甘主寒熱心煩一名黍石生東郡山澤中水下五色有汁潤澤

路石

別錄曰味甘酸無毒主心腹止汗生肌酒痢益氣耐寒實骨髓一名陵石生草石上天雨獨乾日出

獨濡花黃莖赤黑三歲一實赤如麻子五月十月采莖葉陰乾